

排之形貌，逐一論述。

(一) 嶼東北

馬灣

馬灣為大嶼山東北與新界大陸間之一小島，形如一馬，又似一兔，頭北尾南，南北長一千七百碼，東西闊八百多碼，西南隔汲水門與四百碼外之大嶼山相對，北首距深井千四碼，島東面對青衣，岩岸曲折，有海灘數處，自北而南，為東灣仔、東灣及沙柳塘灣，東灣面積廣大，為島上最大沙灘，夏日遊人極多，南岸為石灘，離岸三百碼為燈籠洲，上有燈塔，西岸中部一灣內陷，為馬灣內港，設有碼頭，市區在灣後，灣內有避風塘，南首海濱鱗石及麒麟亭，灣北鄉事委員會所前亦有一亭，稱高樂亭，亭後有古碑兩塊，山岬名馬角咀，上有燈塔，其外水流湍急，無風起浪，馬角咀北首有兩灣，一名石仔灣，一名淡水灣，為船廠區，無甚可遊之處，北岸頗平直，偏東處有一灣名北灣，極幽靜，為一較東灣為佳之泳場。

島上有數村，集於中部，最高處在南方，高六十多公尺，稱瞭望台，西北亦有一峯高五十公尺，為第二高山，島中山崗較矮，其一頂上有水塔，大致南部山坡多矮樹北部多長草。

燈籠洲

燈籠洲位於馬灣之南，相距二百八十多碼，南去汲水門南岸大嶼山之三轉山咀七百多碼，島形如一葫蘆，南大北小，南頂較高，為一〇五呎，其上有一單層洋房及一建於一紅頂石屋旁，離地數丈之燈塔，燈塔範圍有鐵網環繞



燈籠洲燈塔

，單層洋房則有鐵梯引至屋頂，山頂四周樹木茂密，有一石路北下西岸中部之沙灘，灘外有石碼頭，另一路循石級轉下島西南石角上之另一碼頭，此碼頭規模較大，對上山坡又有一座燈塔，編號為62。

島北一崗高六十七呎，多長樹木，東北角有一沙灘，沿岸多出水石排，東岸岸邊多岩石，南首大嶼山以白漆塗刷，以為船隻指標，雖遠及香港島，亦可遠望得見。

此島無水源，四周水流湍急，尤以潮漲潮退之時為甚，自馬灣山頂或大嶼山五鼓頂俯覽，均可細賞此島之風貌。

岩石

岩石一名椅山，為一長形石島，在大嶼東北花坪村東首山咀之外，離岸只百多碼，此島長百碼闊二十多碼，東首海面散立數座石排，均高十呎許，西南方五十碼外又有一高三十三呎，廣闊數丈之大石，石旁另有小石，互為呼應。

島之最高處為三十七呎，在中部，此帶矮樹密集，約高四呎許，岸邊全為岩石，可繞行一匝，南北岸石坡陡斜，東西兩方則較平順，南岸水邊有一狹長之海溝，下有小海蝕洞，海水湧入，擊石作聲，海溝南首為一三角形之沙石堤，潮退時全部顯露，直達島南大石附近，惟不能涉水而登石上。

山頂樹叢中有一大石，立石上可環眺四周景物，凡花坪頂一帶之山巒，大嶼東北沿岸景色，馬灣、燈籠洲、汀九區後之一列高山，青衣及香港兩大島之全貌，浮現海上之大小交椅



椅山

洲，嶼東諸嶼及南丫島，扒頭鼓山岬及位於島南形如人頭，東向面對離岸小石，似作呼喚之態之大石等，均可一一細賞，如遇天氣清朗，則南海諸嶼如外伶仃、北尖等，亦入眼簾，山頭覽景，每令遊人不忍遽去。

島南之大石，略呈三角形，東向一面斜削而降，不能上下，西首石面凹凸，惟可供立石之處面積不大，水邊另有小石緊貼大岩，側望形如一椅，椅山之名由此而得。如有多人同遊，可互相扶持，分批登臨石上，然因石面峭直，胆色不足，即難攀登，石頂有小樹兩三株，宛如盆栽又有火燒及挖鑿之痕跡或曾有人在此採石。石上回望岩石，其景至美。近岸之小石，高五六呎，棱角參錯，可順道泊舟一遊。

半山石

半山石在大嶼東北扒頭鼓灣之東一千四百碼外，為一水下暗礁，近年在石上建有一高數丈之燈塔，塔旁建有小形石碼頭，經一小石橋通至燈塔下，燈塔編號為82，有鐵環扶手以供上下，此燈塔為汲水門航道上之重要燈塔之一。

長索咀

長索咀在大嶼山東北陰澳灣與鹿頸灣之間，為兩灣之天然分界，島形狹長，北部較大，長約五百碼，闊約百碼，北部大而高，山頂為九十八呎，有一坭墩，附近多長草，有山徑由北而南貫穿全島，南首為一圓山崗，高五十五呎，頂上密樹高六七呎，中段為一低地，亦多高草什樹，島北建有一燈塔，編號一〇七，離水面約五十呎，島南與鹿頸相距只十多碼，有



半山石燈塔